

合江縣志卷二十五

武功志

明劉顯原籍江西南昌人縉之父也舊志載仕於蜀後入籍合江按萬曆元年明神宗遣使授中丞開府曾省吾弓劍節斧行大將軍事督軍夜郎表請以南中軍都督劉顯爲節帥統制諸軍顯自少從蠻中立功蠻故憚顯威名旣受薦益感激思奮願以身許國賊不破不敢生還三月中丞南嚮誓師誓已密進顯計師所嚮顯議九絲城蠻都中會自

比幕南王庭夷漢土著無賴亡命所歸地深沮不猝得拔陵霄砦九絲便門都砦北東雷先擊便門次東雷即王庭早晚可得獨陵霄王阿苟最桀黠蠻所怖畏然喜貪賂遣使啗令下關執阿苟並六酋帥以獻五月軍襲落豹設伏擒四賊進逼虜營顯以銳卒連決十餘戰城破賊敗走追斬二百級誅名王阿么名賊將六七十人梟其頭夜卽都市六月顯以鎮雄兵三千攻落亥火蠻巢千餘賊迎敵決殊死戰執其兩名王斬首麾下盡收都砦部落

七月始計取九絲城城據夜郎西山兩壁對望中阻長谷兩陣夾攻無得脫者崖礮斗絕四十里阿大阿二方三三雄王壁其上控弦數萬王皆彊力曉軍事慣攻戰聞別柵旣破益防隘阻險嚴矢石塹牢自衛顯使間諭三雄王大將軍用兵如神號聞海外今以十萬師摧兩砦如搏雛鷄理豈得逃能先事降我許待以不死蠻懼且遲回觀望不決部下乞降者二千三百有奇八月令募郡國敢死惡少年增兵至十四萬中丞公按兵法分五部進

各將二萬八千以行兵旣會東西南北五陣環絡如連珠緩急相應賊出勁卒塵柵下十餘遇皆北始退保兩壁間乘城轉石發標努下擊玃玃如電霰不休時鬼方多淫雨瘴霧晝冥蠻堅持不下九月中丞公督戰厲甚顯用謀者言蠻中以九日作社椎牛大饗且見霖潦無薄戰理將弛兵酗酒自放顯密諭將官出不意迺夜發猿臂軍千人乘飛墜銜枚取道間關霧雨止遲明進薄城下斬守門虜破關以入諸路軍取烏銃爲節刻期會戰起寅

至午所格殺慣戰數百人賊大披靡前軍引火炬燒城中屯千餘炎燄漲天賊勢窮赴火墮崖谷死者數萬雄王皆棄壘走分兵大索十日取次就擒都蠻至是盡滅計先後下城柵六十有奇擒王三十有六俘斬四千六百有奇畧地四百里得諸葛銅鼓九十三銅鐵鍋各一阿大泣曰諸葛亮以鼓鎮蠻蠻鼓失則蠻運終矣錄功進顯都督同知己而勦餘孽復俘斬千一百有奇

見平蠻碑及明史劉顯本傳

劉綎四川都督同知顯子顯年二十時嘗挺身與

蠻鬪蠻畏之綎饒有父風善用大刀人稱劉大刀又精袖箭萬厯時爲重慶鎮總兵官播酋楊應龍叛逆制軍李化龍請調秦汴五省兵及所轄蜀楚黔馬步卒共二十餘萬征之兵分八路綎率川兵由綦江路進一戰而破楠木山羊簡臺三洞復連戰破婁山關進至海龍囤海龍囤者賊以爲天造地設人跡所必不能到兵力所必不能加者也賊以鐵鑄關爲固守計又鬼方多淫雨白日晦冥諸軍壁囤下未敢先發賊日夜以梟鷲藏礮伏弩俯

瞰官兵紛擊之如甫以是諸將兵盡銳仰攻連月
不拔縋乃奮勇先登克其三城諸軍亦以雲梯攀
援而上賊計無復之始雉經而死餘黨田氏朝棟
兆龍何漢良田一鵬孫時太馬千駟等相繼就擒
賊遂無噍類矣賊嘗云不怕各處兵只怕是劉縋
制軍化龍亦疏稱縋爲選鋒云平九絲顯功第一
平播縋功第一勲名並著縋復善詩合江南鄉板
凳槽卽其故里明經劉士玉卽縋七世裔孫也播
州人懷縋平賊之功立劉公祠置祀田以祀之今
祠在遵義縣縋之曾元世守之事見李化龍平播
疏及蹇達平播碑